

Vana alia excusatio.

XXXVIII. Sunt qui furari se dicant ulciscendi causa, quod ab aliis eadem injuria sint affecti; quibus ita respondendum est: primum nemini licere injurias persequi, deinde non posse quemquam rei sua judicem esse; tum multo minus concedi, ut poenas ab aliis repeatant eorum quae alii in eum peccaverunt.

Insana alia excusatio.

XXXIX. Postremo quidam furtum satis illa ratione defensum tectumque arbitrantur, quod cum sint aere alieno oppressi, altero eo liberari non possint, nisi illud furto dissolvant, quibuscum ita agendum est, nullum esse gravius aet alienum, et quo magis prematur humanum genus, quam debitum illud, cuius in divina preicatione quotidie meminimus: (a) Dimitte nobis debita nostra; quare illud insanissimi hominis esse, plus velle leo debere, id est, plus peccare, ut quod debet hominibus dissolvat; multoque prestare conjici in carcerem, quam mandari supplicis inferorum sempiternis: longe etiam esse gravius Dei quam hominum iudicio condemnari: porro autem supplices ipsos ad Dei opem ac pietatem confugere debere, a quo, quid opus sit, possint impetrare.

Nota. Sunt alia excusationum genera, quibus parochi prudentes ac sui officii diligentissimi, facile poterunt occurrere, ut aliquando habeant populum (b) sectatorem bonorum operum.

(a) Matth. 6, 12. — (b) Tit. 2, 14.

DE OCTAVO PRÆCEPTO DECALOGI.

NON LOQUERIS CONTRA PROXIMUM TUUM FALSUM TESTIMONIUM.

Hujus præcepti frequens explicatio necessaria.

I. Quantam non modo utilitatem, sed etiam necessitatem habeat assidua hujus præcepti explicatio et officii admonitio, nos divi Jacobi monet auctoritas illis verbis: (a) Si quis in verbo non offendit, hic perfectus est vir: et idem: Lingua modicum quidem membrum est et magna exaltat: ecce quantus ignis quam magnam silvam incendit, et que sequuntur in eamdem sententiam.

Lingua vitium late patens.

II. Quibus duo monemur, primum latissime patere hoc lingua vitium: quod etiam illa prophetæ sententia confirmatur: (b) Omnis homo mendax; ut propemodum sit unum hoc peccatum, quod ad omnes homines pertinere videatur.

Lingua malorum innumerabilium instrumentum.

III. Alterum, inde profisci mala innumerabilia, cum saepè maledici hominis culpa facultates, fama, vita, animae salus amittatur, vel ejus qui leditur, quod contumelias patienter ferre non possit, sed eas impotenti animo persequatur: vel ejus qui ledit, quod pravo pudore, et falsa cuiusdam existimationis opinione deterritus adducit non possit, ut illi qui offensus sit satisficiat.

(a) Jac. 3, 2. — (b) Ps. 115, 11.

Ut excipendum hoc praeceptum.

IV. Quare hoc in loco monendi fideles erunt, ut quantas possunt maximas Deo gratias agant de hoc salutari praecepto non dicendi falsi testimoni; quo non solum ipsi alii injuriam facere vetamur, sed etiam hac obedientia ab aliorum iniuria prohibemur.

Dux leges in hoc praecepto.

V. Verum hoc praecepto eadem ratione et via progredivendum est qua in ceteris progressi sumus, ut videlicet animadvertiscantur in eo duæ leges.

Prohibens.

- Altera prohibens, ne falsum dicatur testimonium.

Principiens.

Jubens altera, ut, simulatione fallaciisque substantia, dicta et facta nostra simplici veritate metiamur. Cujus officii Apostolus Ephesios illis verbis admonuit: (a) Veritatem facientes in charitate, crescamus in illo per omnia.

Prior præcepti pars quid prohibet.

VI. Sed prior hujus præcepti pars habet hanc rationem, ut quavis nomine falsi testimonii significetur quidquid in bonam vel in malam partem de altero constanter dicatur, sive in judicio sive extra iudicium: tamen præcipue prohibetur illud testimonium, quod in iudicio falso dicitur a jurato; jurat enim per Deum testis, quod ita testificantur, et divinum nomen interponentis oratio plurimum fidei habet et ponderis.

- Nota. Itaque quia periculosum est hoc testimonium, idcirco præcipue prohibetur: juratos enim testes, nisi exceptionibus legitimis exclu-

(a) Eph. 4, 15.

dantur, aut eorum sit aperta improbitas atque perversitas, ne iudex quidem ipse potest rejicare, presertim cum extet jussum divinæ legis, (a) ut in ore duorum, vel trium testium stet omne verbum.

Quis sit dicendus proximus.

VII. Sed ut præceptum fideles plane intelligent, docendi erunt, quid significet hoc proximi vocabulum, in quem falsum testimonium dicere, minime licet. Est autem proximus, ut ex Christi Domini doctrina colligitur, quicumque eget opera nostra, sive ille propinquus sit, sive alienus, sive civis, sive advena, sive amicus, sive inimicus. Vide August. Epist. 52, ad Macedon. et de Catech. rudiib. c. 26.

In hostes falsum dicere nefas.

VIII. Nefas enim est existimare, contra hostes licere falsum aliquid dicere pro testimonio, quos jussu Dei (b) ac Domini nostri diligere oporteat.

Contra seipsum falsa dicere non licet.

IX. Quin etiam, quia sibi quisque quadam ratione proximus est, nemini fas est in se falsum testimonium dicere, quod qui committunt, sibi ipsi notam inrentes ignominie ac turpitudinis, et seipsos et Ecclesiam laedunt, cuius sunt membra; quo modo etiam, qui sibi mortem consciunt, nocent civitati: ita enim est apud sanctum Augustinum: (c) Nec recte intelligentibus poterat videri non esse prohibitum, ut adversus seipsum quisquam falsus testis assisteret, eo quod in præcepto additum fuit: Contra proximum tuum;

(a) Deut. 19, 15. Matth. 18, 16. — (b) Matth. 5, 44. —
(c) Lib. 2 de Civit. Dei, c. 20.

sed non ideo, si adversus seipsum quisque falsum testimonium dixerit, ab hoc crimine se putet alienum, quando regulam diligendi proximi, a semetipso dilector accepit.

Amici gratia falsum testari non licet.

X. Verum, quia prohibemus proximum ledere falso testimonio, nemo propterea, contrarium permitti nobis arbitretur, ut pejorando liceat conciliare ei qui nobiscum natura ac religione conjunctus sit, aliquid utilitatis aut commodi. Nemini enim mendacio et vanitati, multo minus perjurio studendum est. Quare sanctus Augustinus *de Mendacio ad Crescentum*, c. 12, 15, 14, docet ex Apostoli sententia, mendacium in falsis testimoniosis numerandum esse, etiam si in ejusquam falsa laude dicatur. Nam locum illum tractans: Invenimus autem et falsi testes Dei, si testimonium diximus adversus Deum, quod suscitaverit Christum, quem non suscitavit, si mortui non resurgent. Falsum, inquit, testimonium, vocal Apostolus, (a) si quis de Christo et quod ad eum laudem videtur pertinere, mentitur.

Uni favens, alteri nocet.

XI. Saepissime vero etiam contingit ut qui alteri faveat, obicit alteri; certe errandi causa afferatur judicis, qui interdum falsis testimonibus adductus, contra ius secundum injuriam statuit et judicare cogitur.

Reperire falsos testes quam periculosum.

XII. Nonnunquam etiam fit ut qui ob falsum aliquius testimonium causam judicio vicerit, id que impune tulerit, exultans iniqua victoria,

(a) 1 Cor. 15, 15.

assuescat corrumpere, et adhibere falsos testes, quorum opera sperat se posse ad id quocumque concupierit pervenire.

Falsum testari ipsi testi injuriosum.

XIII. Est vero id et ipsi testi gravissimum quod et ab eo, quem jurejurando sublevaret et adjuverit, falsus et perjurus agnoscat, et ipse, quod ei ex sententia succedit scelus, quotidie maiorem exercitationem et consuetudinem capit impietatis et audacie.

Perjurium mendacia vetantur.

XIV. Ut igitur testium vanitas, mendacia et peruria prohibentur, sic et accusatorum et reorum et patronorum cognitorum, et procuratorum, advocatorum, et omnium denique qui iudicia constituantur.

Falsum testari ubique prohibitum.

XV. Postremo vetat Deus omne testimonium non modo in judicio, sed etiam extra judicium, quod alteri incommodeum aut detrimentum possit afferre. Est enim in Levitico, quo loco haec præcepta iterantur, his verbis: (a) Non facietis furum, non mentiimini, nec decipiet unusquisque proximum suum, ut nemini dubium esse possit, quin a Deo omne mendacium hoc præcepto ejectum condemnetur; quod apertissime testatur David in hunc modum: (b) Perdes omnes qui loquuntur mendacium.

Detractionis vitium detestabile.

XVI. Prohibetur autem hoc præcepto non modo falsum testimonium, sed detestabilis etiam libidc et consuetudo detrahendi alteri: qua ex peste,

(a) Lev. 19, 11. — (b) Ps. 5, 7.

incredibile est, quam multa, et quam gravia, et incommoda, et mala nascantur. Hoc vilium maledice et contumeliose dicendi occulte in alterum, passim improbat divinae Litterae. Cum hoc, inquit David, (a) non edebam; et sanctus Jacobus: (b) Nolite detrahere alterum, fratres mei.

Exemplum.

Nec vero præcepta solum sacræ Litteræ, sed etiam exempla suppeditant, quibus sceleris magnitudo declaratur: Nam et Aman (c) conflictus criminibus adeo incidit in Judæos Assuerum, ut iis omnes ejus gentis homines imperarit occidi. Referta est hujusmodi exemplis sacra historia: quorum commemoratione sacerdotes operam dabunt, ut fideles a rei improbitate deterreat.

Detractores qui sint.

XVII. Ut autem peccati hujus vis, quo de altero detrahitur, omnino perspiciatur.

Primo. — Scendum est, non tantum adhibita calumnia offendii hominum existimationem.

Secundo. — Sed et augendis amplificandisque criminibus, et si quid occultius a aliquo commisso sit, quod tibi rescitum fuerit, grave aut turpe sit ad famam, eam rem, qui, ubi, quando, quibus non necesse sit perulgari, is obtrectator et maledicus jure dicitur.

Tertio. — Verum totius obtrectationis nulla capitalior est, quam eorum, qui catholica doctrinæ cunctæ prædicatoribus obtrectant.

Quarto. — In simili culpa sunt, qui malarum doctrinarum et errorum magistrosex tollunt laudibus.

Quinto. — Nec vero ab horum hominum numero et culpa se junctum qui, detrahentibus et maledicentibus hominibus patefacientes aures, non

(a) Ps. 100, 5. — (b) Jac. 4, 11. — (c) Esth. 15.

reprehendunt obtrectatores, sed illis libenter assentiuntur. Detrahere enim vel detrahentem audiire, scribunt SS. Hieronymus et Bernardus, utrum damnabilius sit, non facile constat, non enim essent qui detraherent, si non adesserent qui detrahentes audirent. S. Hieronym. Epist. ad Nepotianum circa finem. Div. Bernard. lib. 2 de Consider. ad Eugen. in fine.

Sexto. — In eodem genere sunt, qui suis artificiis distractum homines, et inter se committunt, magnopereque serendis discordiis delectantur: ut summas conjunctiones ac societates factis sermonibus diriment, amicissimos viros ad immortales inimicitias et ad arma compellant. Hanc pestem sic detestatur Dominus: (a) Non eris criminatus neque susurro in populo. Tales erant multi ex consiliariis: (b) Saulis, qui ejus voluntatem a Davide alienare et in illum regem incitare conabantur.

Septimo, assentatores. — Peccant denique in hanc partem blandi homines et assentatores, qui blanditiis et simulatis laudibus influunt in aures et in animos eorum, quorum gratiam, pecuniam et honores accupantur, dicentes, ut est apud Prophetam: (c) Malum bonum et bonum malum: quos ut arecamus et pellamus a consuetudine nostra, monuit nos David illa ratione: (d) Corripit me justus in misericordia et increpat me: oleum autem peccatoris non impinguet caput meum. Quanquam enim isti proximo minime maledicunt, tamen ei maxime nocent, qui vel laudandis ejus peccatis, afferunt ipsi causam perseverandi in vitiis quandiu vixerit.

(a) Lev. 19, 16. — (b) 4 Reg. 24 et 26. — (c) Isa. 5, 20.
— (d) Ps. 140, 5.

Assentatio peior.

Et quidem in hoc genere illa est assentatio de-
terior, quae ad proximi calamitatem et perniciem
adhibetur; sic Saul, cum Davidem furori et ferro
Philistaeorum objicere cuperet, ut occideretur, ei
blandiebatur illis verbis: (a) Ecce filia mea ma-
jor Merob, ipsam dabo tibi uxorem: tantummodo
est vir fortis et praliare bella Domini; sic Iudei
insidiosa oratione Christum Dominum sunt af-
fati: (b) Magister, scimus quia verax es et viam
Dei in veritate doces.

Assentatio pessima.

Longe autem perniciosior oratio est amicorum,
affinium et cognitorum, qua ad eos interdum
utuntur assentatorie, qui mortifero morbo affecti
jam sunt in extremo spiritu: dum affirmant, nul-
lum esse tum ei a morte periculum; dum latum
et hilarem esse jubent, eumque a peccatorum
confessione, tanquam a tristissima cogitatione,
deterrent; dum denique ejus animum avertunt
ab omni cura et meditatione extremonrum pericu-
lorum in quibus maxime versatur. Quare fugien-
dum est omne mendaciorum genus; sed illud in
primis, quo gravi damno quisquam affici possit.

Nota. Plenissimum vero impietatis est menda-
cium, cum quis in religionem, vel de religione
mentitur.

Octavo, libelli famosi auctor.

Sed etiam illis maledictis et probris graviter
offenditur Deus, quae committuntur libellis, quos
famoso vocant, et alii huius generis contume-
lii. *De libellis famosis, vide Bullam Pii V, 117,*
datam anno 1572, et Bullam Gregorii XIII, 4, da-
tam eodem anno.

(a) 1 Reg. 18, 17. — (b) Matth. 22, 16. Marc. 12, 14.

Mendacium jocosum prohibetur.

XVIII. Praeterea joco vel offici causa fallere
mendacio, et si nemo in illo vel damnum, vel lu-
crum fecerit, tamen omnino indignum est; ita
enim nos Apostolus admonet: (a) Deponentes
mendacium, loquimini veritatem. *Vide D. Thom.*
2, 2, quest. 10, art. 3 et 4.

Nota rationem.

Nam in eo est ad frequens graviusque menda-
cium magna proclivitas: et ex jocosis mendaciis
capiunt homines mentendi consuetudinem, unde
veniunt in opinionem, non esse veraces, quamob-
rem, ut fidem faciat eorum oratio, necesse ha-
bent jurare perpetuo.

Omnis simulatio prohibetur.

XIX. Postremo, priore parte hujus præcepti si-
mulatio repudiatur; nec modo qua simula-
duntur, sed quo ita fiunt, cum scelere conjuncta
sunt; tam enim verba quam facta, notæ ac signa
quædam sunt eorum quæ sunt in animo cujusque,
ob eamque causam Dominus sepe Phariseos
arguunt, (b) hypocritas appellat. Et hæc de priore
præcepti lege, qua ad vetandum spectat. *Vide D.*
Thom. 2, 2, quest. 21, per totam.

Allera præcepti pars.

XX. Nunc explicemus quid in altera jubeat Do-
minus. Pertinet autem hæc præcepti vis et ratio
ad id, ut justæ et ex legibus forensia judicia
exerceantur, neve occupent homines et usurpent
judicia.

Judex nequit non subditum judicare.

XXI. Non enim fas esset alienum servum judi-
cari.

(a) Ephes. 4, 25. — (b) Matth. 15, 7, 25, 14, 15, 25, 29.

care (a), ut scribit Apostolus, ne re et causa incognita, sententiam ferant: quo in viito fuit sacerdotum et scribarum consilium, (b) qui de sancto Stephano judicarunt; quod item peccatum fuit magistratum Philippensem, de quibus inquit Apostolus: (c) Caesos nos publice, indemnatos, homines Romanos miserunt in carcere; et nunc occule nos ejiciunt. *Vide* in 6, lib. 5, tit. 7, de *Privilegiis*, c. 1, et *ibidem* lib. 2, tit. 2, de *Foro competenti*.

Judicibus quid praecipiendum.

XXII. Ne condemnent innocentes aut nocentes absolvant, ne pretio aut gratia, ne odio aut amore moveantur. Sic enim Moyses seniores admonet, quos populi judices constituerat. (d) Quod justum est, iudicave, sive civis sit ille, sive peregrinus, nulla erit distantia personarum, ita parvum audiatis, ut magnum: nec accipietis cu' usquam personam quia Dei iudicium est.

Sontes interrogati iudice mentiri non possunt.

XXIII. De reis autem et sontibus, vult eos Deus verum confiteri, cum ex iudicij formula interrogantur; est enim testimonium ac predicatione quadam illa confessio laudis et gloriae Dei ex ipsius Iosue sententia, qui Acham ad veri confessionem adhortatus, inquit: (e) Fili mi, da gloriam Domino Deo Israel. *Vide* D. Thom. 2, 2, quæst. 69, per totos 4 articulos.

De testibus hic agendum.

XXIV. Sed quoniam hoc præceptum testes potissimum attingit, de his etiam a parochio diligenter.

(a) Rom. 4, 16. — (b) Act. 7, 50. — (c) Ibid. 16, 37. —
(d) Deut. 1, 16. — (e) Jos. 7, 19.

genter agendum erit: nam præcepti vis ea est, ut non solum prohibeat falsum testimonium, sed verum etiam dici imperet.

Testimonii usus maximus.

XXV. Est enim in humanis rebus maximus usus veri testimonii, quod sunt innumerabiles res, quas a nobis ignorari necesse sit, nisi eas ex testium fide cognoscamus. Quare nihil tam necessarium est, quam testimoniorum veritas in iis rebus, quas nec ipsi scimus, neque tamen licet ignorare. De quo exstat illa sancti Augustini sententia: Qui veritatem occultat et qui prodit mendacium, uterque reus est: ille, quia prodesse non vult; hic, quia nocere desiderat. *Hæc sententia citabantur olim a Gratiano ex August., sed apud Angust. non est inventa: similiter legitur apud Isid. l. 5, c. 19.*

Quando verum tacere licet, et contra.

XXVI. Licet vero interdum verum tacere, sed extra iudicium: nam in iudicio, ubi testis legitimate interrogatur a judice, vera omnino patefactio sunt.

Nota. Quo loco cavendum tamen est testibus, ne suæ memorie nimium confisi, quod exploratum non habent, id pro certo affirmant.

Advocatis que præcipienda.

XXVII. Reliqui sunt patroni causarum et advocati, actores deinceps et petidores. Illi igitur opera ac patrocinio sue non deerunt necessariis hominum temporibus; et egentibus benignè subvenient, tum injustas causas defendendas non suscipient; neque calumnia lites protraheant, nec alent avaritiam.

Nota. Quod ad mercedem attinet laboris et operæ suæ, illa jure et æquo metiantur. *Vide* 14,

*quæst. 5, c. Non sane; D. Thom. 2, 2, q. 71,
art. 5.*

Petitoribus et accusatoribus præcipienda.

XVIII. Petidores vero et accusatores monendis sunt, ne cuiquam amore aut odio, aut cupiditate aliqua adducti periculum iniquis criminationibus creent. Jussum hoc denique divinitus descriptum est piis omnibus, ut in congregatis et colloquis vere semper et ex animo loquantur, nihil dicant, quod alterius existimatione possit officere, ne de illis quidem, a quibus laeti se et exagitiari intelligunt: cum illud propositum habere debant, sibi cum illis eam necessitudinem et societatem intercedere, ut membra sint ejusdem corporis.

Dicenda contra mendacium.

XXIX. Ut autem libentius hoc mendacii vitium caveant fideles, proponet eis parochus sumnam hujus sceleris miseriam ac turpitudinem.

Primum. — Nam in sacris Litteris, mendacii pater dæmon dicitur, quod enim dæmon (*a*) in veritate non stetit, mendax est et mendacii parens.

Secundum. — Adjunget, ad ejiciendum tantum flagitium, ea mala qua mendacium consequuntur; et quoniam sunt innumerabilia, fontes et capita incommodorum et calamitatum communistrabit.

Tertium. — Ac primum in quantam cadat Dei offenditionem, quantumve ejus odium incurrat homo vanus et mendax, Salomonis auctoritate declarabit eo loco: (*b*) Sex sunt quæ odit Dominus, et septimum detestatur anima ejus, oculos sublimes, linguam mendacem, manus effundentes.

(*a*) Joan. 8, 42. — (*b*) Prov. 6, 16, etc.

innoxium sanguinem, cor machinans cogitationes pessimas, pedes veloces ad currendum in malum, preferentes mendaciam, testem fallacem: et que sequuntur.

Quartum. — Quis igitur ei præstet incolumitatem qui in insigni odio sit apud Deum, quominus gravissimis afflictionis suppliciis?

Quintum. — Deinde quid impurius aut fœdus, ut sanctus inquit Jacobus, (*a*) quam eadem lingua qua benedicimus Deum et Patrem, maledicere homines, qui ad imaginem et similitudinem Dei facti sunt, ita ut tons de eodem foramine emanet dulcem et amaram aquam?

Sextum. — Que enim lingua prius laudem et gloriam Deo tribuebat, postea, quantum in ea est, eum ignominia afficit ac dedecore mentiendo.

Septimum. — Quare fit, ut a cœlestis beatitudinis possessione mendaces excludantur. Cum enim in hunc modum quereret a Deo David: (*b*) Domine, quis habitabit in tabernaculo tuo? respondit Spiritus sanctus: Qui loquitur veritatem in corde suo, qui non egit dolum in lingua sua.

Octavum. — Maximum vero etiam illud in mendacio incommodum est, quod fere est insanabilis et animi morbus.

Mendacium insanabile unde.

XXX. Cum enim peccatum, quod inferendo falso crimine, aut proximi famæ, et existimationi obtrectando, commissum sit, non remittatur, nisi calumniator ei quem criminatus injuriarum fuerit, satisfaciat: id autem difficile fiat ab hominibus, primo, ut antea monuimus, pudore et inani quadam dignitatis opinione deterritis: qui

(*a*) Jac. 5, 9. — (*b*) Ps. 14, 1, 2.

in eo peccato sit, hunc addictum esse æternis inferorum poenis dubitare non possumus.

Notent obtrectatores.

Neque enim quisquam speret, se calumniarum, vel obtrectationis veniam consequi posse, nisi prius ei satisfaciat de cuius dignitate et fama, aut publice in iudicio, aut etiam in privatis et familiaribus congressibus aliquid detraxerit.

Quantum detrimentum ex mendacio.

XXXI. Præterea latissime patet hoc detrimentum et in ceteros diffunditur, qua vanitate et mendacia fides ac veritas tolluntur, arcissima vincula societatis humanæ: quibus sublati, sequitur summa vite confusio, ut homines nihil a dæmonibus differre videantur.

Loquacitas vituperanda.

XXXII. Docebit porro vitam esse loquacitatem parochus: cu us vitatione, et reliqua peccata fugiuntur, et est magna cautio mendacia; a quo virtio loquaces sibi haud facile tempore possunt.

Prima excusatio mendacii recusanda.

XXXIII. Postremo iis illum errorem eripiet parochus, qui se in vanitate orationis excusat et mendacium prudentium exemplo defendunt: quorum esse àiunt, mentiri in tempore. N'cet, id quod verissimum est, (a) prudentiam carnis, mortem esse.

Nota. Hortabitur auditores ut in difficultibus et angustiis Deo confidant, neque ad artificium mentiendi configant: nam illi, qui utuntur perfugio, facile declarant se sua magis nisi prudentia, quam in Dei providentia spem ponere.

(a) Rom. 8.

PARS TERTIA.

Secunda excusatio nulla.

Qui causam sui mendaciæ conferunt in eos a quibus sunt mendacio decepti, hi docendi sunt non licere hominibus seipso ulisci, (a) neque malum malo compensandum esse; sed potius ~~ver~~ cendum in bono malum: quod si etiam fas esset hanc referre gratiam, nemini tamen utile, se suo ulisci detrimento: esset autem id gravissimum detrimentum, quod mendacium dicimus.

Tertia excusatio rana.

Ils qui afferunt humanæ naturæ imbecillitatem et fragilitatem, tradendum erit hoc officii preceptum, ut divinum auxilium implorent, nec infirmitati humanitatis obtemperent.

Quarta excusatio inepta.

Qui consuetudinem opponunt, admonendi sunt, similiari assuererunt, ut dent operam, ut contraria consuetudinem capiant vere loquendi, presertim cum, qui usu et consuetudine peccant, gravius delinquent quam ceteri.

Quinta excusatio ridicula.

Et quoniam non desunt, qui se tegant excusatione cæterorum hominum, quos passim mentiri et pejorare contendunt, hac ratione illi ab ea opinione deducendi sunt non esse imitandos malos, sed reprehendendos et corrigitendos; cum autem ipsi mentimur, minus auctoritatis in reprehensione et correctione alterius nostram habere orationem.

Sexta excusatio mala.

Alios se ita defendantes, quod vera dicendo, sèpe incommodo sint affecti, sic resellent, sacer-

(a) Rom. 12, 17, 21.

dotes, esse illam accusationem, non defensionem: cum sit officium christiani hominis, quamvis potius facere jacturam, quam mentiri.

Duae aliae excusationes refellendae.

Restant duo genera eorum qui se in mendacio excusent, alteri qui dicant se joci causa mentiri, alteri se idem facere utilitatis gratia; quippe qui bene nec emerent, nec videnter, nisi mendacium adhiberent. Utrosque a suo errore parochi avertere debebunt. Ac superiores quidem illos a vita abducunt, et docendo quantum eo in genere peccandi consuetudinem augeat usus mentiendi, et illud inculcando, (a) omnis otiosi verbi reddendum esse rationem. Proximos etiam hos acerbius objurgabunt, quorum in excusatione gravior insit illorum ipsorum accusatio, qui prae se ferant, se minime illis Dei verbis idem et auctoritate tribuerent: (b) Querite primum regnum Dei et justitiam ejus, et haec omnia adjicientur vobis.

DE NONO ET DECIMO PRÆCEPTO DECALOGI.

NON CONCUPISCES DOMUM PROXIMI TUI: NEC DESIDERABIS UXOREM EJUS, NON SERVUM, NON ANCILLAM, NON BOVEM, NON ASINUM, NEC OMNIA QUE ILLIUS SUNT.

Horum præceptorum vis et amplitudo.

I. In his duabus præceptis, quæ postremo loco tradita sunt, illud in primis sciendum est: rationem fere constitui, qua cætera præcepta serventur: nam quod his verbis prescriptum est, eos spectat, ut si quis studet superiora legis iussa servare, hoc maxime faciat, ne concupiscat; quoniam qui non concupiscet, suis contentus, aliena non appetet, aliorum commodis gaudebit, Deo

(a) Matth. 12, 56. — (b) Matth. 5, 35.

immortaligloriam tribuet, gratias eidem maximas aget. Sabbatum colet, id est, quiete perpetua fruetur, majoresque venerabitur: neminem denique neque re, neque verbis, neque ullo alio modo laedet. Nam stirps, ac semen majorum omnium est prava concupiscentia, qua qui incensi sunt, precipites feruntur in omne flagitorum et scelerum genus. Vide Aug. lib. 1 Retract. c. 15, et Epist. 200, lib. 9 de Civitate Dei, c. 4 et 5.

Nota. His animadversis et parochus in iis, quæ sequuntur, tradendis diligentior, et fideles ad audiendum erunt attentiores.

Hæc duo præcepta cur simul tradita hic.

II. Sed quanquam hæc duo præcepta conjunximus, propterea quod, cum non dissimile sit, eorum argumentum, eamdem docendi viam habent, parochus tamen et cohortando et monendo poterit communiter vel separatim, ut commodius sibi videbitur, ea tractare; sin autem Decalogi interpretandi munus suscepit, demonstrabit, quæ sit horum duorum præceptorum dissimilitudo, quidive una concupiscentia ab altera differat, quam differentiam libro questionum in Exodum divus Augustinus declarat. Quest. 77, in Exod. Vide item D. Thom. 2, 2, quæst. 122, art. 6 ad 3 et 4.

Noni et decimi præceptorum differentia.

III. Nam ex iis altera solum spectat, quid utile sit, quid fructuosum: alteri prepositæ sunt libidines et voluptates. Si quis igitur fundum aut domum concupiscit, is lucrum potius et quod utile est, consecutatur quam voluptatem: si vero alienum uxori appetit, non utilitatis, sed voluptatis cupiditate ardet.

Horum præceptorum necessitas.

IV. Verum horum præceptorum duplex fuit necessitas.

Prima. — Altera, ut sexti septimique præcepti sententia explicaretur; nam etsi quodam naturæ lumine intellectum est, alienæ uxoris potiundæ cupiditatem prohiberi, vetito adulterio; nam si concupiscere licet, fas item esset potiri: tamen plerique ex Iudeis, peccato obsecrati, in eam opinionem adduci non poterant, ut credenter, id a Deo prohibitum esse: immo vero lata et cognita hac Dei lege, multi qui se legis esse interpres profitebantur, in eo errore versati sunt, id quod animadvertere licet ex illo Domini sermone apud Matthæum: *(a)* Audistis, quia dictum est antiquis: Non mæchaberis: ego autem dico vobis, et quæ sequuntur.

Altera necessitas.

V. Altera est horum præceptorum necessitas, quod aliqua distincte explicateque vetantur, que sexto et septimo explicite non prohibebantur: nam, exempli causa, septimum præceptum prohibuit ne quis injuste concupiscat aliena, aut eripere conetur, hoc autem vetat, ne ullo modo quis concupiscat, etsi jure, legeque assequi id possit, ex cuius adēptione proximo damnum importari videat.

Cur Deus hæc duo præcepta ceteris addiderit.

VI. Sed illud in primis, antequam ad præcepti explicacionem veniamus, fideles docendi erunt, nos hac lege non ad id solum institui, ut cupiditates nostras cohabeamus, sed etiam Dei erga nos pietatem quæ immensa est, cognoscamus.

(a) Matth. 5, 27.

Nostri causa addita sunt hæc præcepta.

VII. Nam cum superioribus legis præceptis nos quibusdam quasi presidiis munisset, ne quis nos ipos aut nostra violaret; hoc adjuncto præcepto, illud maxime providere voluit, ne appetitionibus nostris nos ipsi iaderemus: quod facile futurum fuit, si omnia cupere atque optare librum nobis atque integrum esset, hac igitur non concupiscendi legi prescripta, illud a Deo provisum est, ut cupiditatum aculei, quibus ad perniciosa queque incitari solemus, hujus legis vi quodam modo excussi, nos minus urgeant, magisque propterea temporis spatium nos molesta illa cupiditatis sollicitudine liberati, ad ea praestanda pietatis et religionis officia habeamus, que ipsi Deo multa maximaque debemus.

*Non externis solum, sed internis actibus legi
Dei obediendum.*

Similitudo singularis.

VIII. Neque id solum hæc lex nos docet, verum etiam illud ostendit, legem Dei eiusmodi esse, quæ non externis solum munerum functionibus, sed etiam intimo animi sensu servanda sit; hocque inter divinas et humanas leges interest, quod hæc rebus tantum externis contentæ sunt, illæ vero, quoniam animum Deus intuetur, ipsis animi puram, sinceramque castitatem atque integritatem requirunt.

Est igitur divina lex quasi speculum quoddam, in quo naturæ nostræ vitia intuemur, quamobrem dixit Apostolus: *(a)* Concupiscentiam nesciebam, nisi lex diceret: Non concupisces. Cum enim concupiscentia, id est, peccati fomes, qui ex peccato

(a) Rom. 7, 7.

originem habuit, perpetuo nobis infixus inhaeret: ex hoc agnoscimus, in peccato nos nasci; quapropter supplices ad eum confugimus, qui solus potest peccati sordes eluere.

Nota. Habent autem haec singula præcepta illud cum cæteris commune, ut partim aliquid vetent, partim jubeant: quæ omnia di-junctum ut perfecte intelligantur, a parocho exponenda sunt.

Non omnis concupiscentia hie vetatur.

IX. Quod ad prohibendi vim attinet ne quis forte arbitretur concupiscentiam illam, quæ vitio caret, aliquo modo vitium esse, ut (a) concupiscere spiritum adversus carnem, vel (b) expetere justifications Dei in omni tempore, id quod David summopere cupiebat, parochus doceat quæ concupiscentia illa sit, quam hujus legis prescripto fugere oporteat.

Quid sit concupiscentia.

X. Quare sciendum est concupiscentiam esse commotionem quamdam ac vim animi, qua impulsi homines, quas non habent, res jucundas appetunt.

Concupiscentia non malæ.

XI. Et quemadmodum reliqui animi nostri motus non perpetuo malæ sunt; ita haec concupiscentiæ vis non semper in vitio est ponenda, neque enim propterea malum est, si cibum aut si potum appetimus; aut cum frigemus, si calescere; aut contra, cum calens, si frigescere cupimus.

Concupiscentia peccato vitiala.

XII. Et quidem recta hæc concupiscentiæ vis, Deo auctore, nobis a natura insita est: sed pri-

(a) Gal. 5, 17. — (b) Ps. 118, 20.

morum parentum nostrorum peccato factum est, ut illa nature fines transiliens, usque adeo depravata sit, ut ad ea concepiscenda sæpe incitetur, quæ spiritu ac rationi repugnant.

Rectæ concupiscentiæ utilitas.

XIII. Quin etiam hæc vis, si moderata est, suisque tinib[us] continetur, sæpe etiam non mediocres utilitates præbent.

Prima. — Nam illud primum efficit ut assiduis precebus Deum oreimus, supplicesque ab eo petamus quæ maxime cupimus: oratio enim cupiditatis nostræ interpres est: quod si recta hæc concupiscentiæ vis abasset, non tam multæ preces essent in Ecclesia Dei.

Secunda. — Efficit præterea ut cariora sint nobis Dei munera: quo enim vehementiori alicuius rei cupiditate flagramus, eo carior illa nobis res est atque jucundior, cum eam adepti sumus.

Tertia. — Tuni vero delectatio ipsa, quam ex re concupita sentimus, facit, ut majore pietate gratias Deo agamus: itaque, si concupiscere aliquando licet, fateamur necesse est, non omnem concupiscentiæ vim prohibitam esse. Et quanquam divus Paulus (a) concupiscentiam peccatum esse dixit, id in eam tamen sententiam accipendum est, in quam Moyses (b) locutus est, ejus ille testimonium affert, id quod ipsius Apostoli oratio declarat: nam illam carnis concupiscentiam vocat in Epistola ad Galatas: (c) Spiritu, inquit, ambulate, et desideria carnis non perficietis.

Duae bonæ concupiscentiæ.

XIV. Naturalis igitur illa cupiditatis vis et moderata quæ fines suos non egreditur, non veta-

(a) Rom. 7, 20. — (b) Exod. 20, 17. — (c) Gal. 5, 16.

tur, multoque munus spiritualis illa recte mentis cupiditas, qua ad eorum appetitionem incitatur, qua carni repugnat: ad hanc ipsam enim sacrae Litterae nos adhortantur: (a) Concupiscite sermones meos, et: (b) Transite ad me omnes qui concupiscentiae.

Quæ concupiscentia hic vetatur.

XV. Itaque hoc interdictio non ipsa concupiscentia vis, qua tum ad bonum, tum ad malum uti licet, sed usus pravae cupiditatis, quæ carnis concupiscentia et peccati fomes vocatur: ac si animi ascensionem adjunctam habeat, semper in vitiis numeranda est, omnino prohibetur.

Concupiscentia carnis explicatur.

XVI. Ergo ea tantum concupiscenti libido vetita est, quam carnis concupiscentiam vocat Apostolus, illi scilicet concupiscenti motus, qui nullum rationis modum habent, neque finibus a Deo constitutis continentur.

Prima ratio cur vetetur hæc concupiscentia.

XVII. Hæc cupiditas damnata est, vel quia malum appetit, veluti adulteria, ebrietates, homicidia et alii ejusmodi nefaria sceleria, de quibus ita Apostolus: (c) Non simus, inquit, concupiscentes malorum, quemadmodum et illi concupierunt.

Secunda ratio.—Vel quia, etsi res natura sua male non sunt, causa tamen aliunde exstat, quare illas concupiscere nefas sit: quo in genere sunt ea, quæ ne possideamus, Deus aut Ecclesia prohibet; non enim ea nobis appetere licet, quæ possidere omnino nefas sit, qualia olim in veteri

(a) Sap. 6, 12.—(b) Eccli. 24, 26.—(c) 1 Cor. 10, 6.

lege fuerunt aurum et argentum, ex quibus idola conflata erant, que Dominus in Deuteronomio vetuit, (a) ne quis concupisceret.

Tertia ratio.—Ob eam præterea causam hæc cupiditas vitios prohibetur: quoniam, quæ appetuntur, aliena sunt, ut domus, servus, ancilla, ager, uxor, bos, asinus et alia multa quæ cum aliena sint, ea concupiscere vetat divina lex.

Hæc concupiscentia grave peccatum, et quando committitur.

XVIII. Rerumque ejusmodi cupiditas nefaria est, et in peccatis gravissimis numeratur, cum illis concupiscentis animi praebetur assensus: nam tum peccatum natura existit, cum post malarum cupiditatum impulsu animus rebus pravis delectatur, atque his vel assentitur, vel non repugnat; id quod divus Jacobus, (b) cum peccati originem et progressionem ostendit, illis verbis docet: Uniusquisque tentatur a concupiscentia sua abstractus et illektus: deinde concupiscentia cum conceperit, parit peccatum: peccatum vero cum consummatum fuerit, generat mortem. *Vide divum Thomam*, 1, 2, q. 4, art. 7 et 8. *Item Augustin. lib. 12 de Trinit. c. 12. Item de Serm. Domini in monte, c. 23. Greg. hom. 19 in Evang. et lib. 4 Moral. c. 27, et in Repons. 11, ad interrog. Aug. Hieron. in Amos, c. 1.*

Scopus noni et decimi præceptorum.

XIX. Cum igitur lege ita caveatur: Non concupisces, hæc verba ad eum sensum referuntur, ut nostras cupiditates a rebus alienis contineamus: alienarum enim rerum cupiditatis sitis immensa est, atque infinita, neque unquam satiatur, ut scriptum est: (c) Avarus non implebitur pecu-

(a) Deut. 7, 23, 26.—(b) Jac. 1, 14.—(c) Eccl. 5, 9.

nia; de quo ita est apud Isaiam : (a) *Vx qui con-jungitis domum ad domum et agrum agro copu-latis.*

Verba expenduntur.

XX. Sed ex singularium vobis explicacione fa-cilius intellegitur hujus peccati seditas et magni-tudo.

Domus quid hic significat.

XXI. Quare parochus docebit, domus vocabulo non locum modo quem incolimus, sed universam haereditatem significari, ut ex divinorum scripto-rum usu consuetudineque cognoscitur. In Exodo scriptum est : (b) *Obstetricibus a Domino domos esse aedificatas: sententia eo spectat, ut illarum facultates ab eo auctas esse atque amplificatas interpretetur.*

Appetendæ domus alienæ prohibito quid hic intendit.

XXII. Ex hac igitur interpretatione animadver-timus hac præcepti lege vetitum nobis esse, ne divitias avide exspectamus, neque alienis opibus, potentia, nobilitati invideamus : sed statu no-stro, qualis ille sit, sive humilis sive excelsus, contenti simus : aliena deinde gloria appetitio-nem vetitam esse intelligere debemus, nam hoc item ad domum pertinet.

Per bovem et asinum quid hic intelligatur.

XXIII. Quod vero sequitur : Non bovem, non asinum, id ostendit non solum quæ magna sunt, ut domus, nobilitas et gloria, ea cum aliena sint, concupiscere nobis non licere : sed etiam parva, qualiacumque illa sint, animata, sive inanimata.

(a) Is. 5, 8. — (b) Exod. 1, 21.

Quid per servum.

XXIV. Sequitur deinceps : Neque servum, quod intelligendum est tam de captiis, quam de reliquo genere servorum ; quos ut cetera alterius bona concupiscere non debemus.

Qui aliis serviant, non sunt avertendi.

XXV. Liberos vero homines qui voluntate ser-viunt, vel mercede conducti, vel amore observantia-que impulsu, nullo modo, neque verbis, neque spe, neque pollicitationibus, neque premis quis corrumperet aut sollicitare debet, ut eos deserant quibus se ipsi sponte addixerunt.

Nota. Imo vero, si ante id tempus quo se in il-lorum famulatu fore promiserant, ab illis reces-serint, hisus præcepti auctoritate admonendi sunt, ut ad eos ipsos omnino revertantur.

Mentio proximi cur hic fiat.

XXVI. Quod autem in præcepto mentio fit proximi, id eo pertinet, ut hominum vitium de-monstretur ; qui vicinos agros, aut proximas domos aut aliam rem eiusmodi, quæ secum conti-nens sit, appetere solent.

Nota. Vicinitas enim, quæ in parte amicitiae ponitur, ab amore ad odium cupiditatis vitio traducitur.

Res alienas emere cupiens non peccat.

XXVII. Hoc vero præceptum si minime violant qui res quas proximi venales habent, emere de illis cupiunt, aut justo pretio emunt ; si enim non modo proximum non laudent, sed valde adjuvant, cum ei pecunia majori commodo, usique futura sit, quam res ille quas ipse venditat.

Lex de non concupiscenda uxore proximi explica-tur.

XXVIII. Hanc de re aliena non concupiscenda

legem altera sequitur, quae prohibet ne alienam concupiscamus uxorem : qua lege concupiscenti libido non ea quidem tantum prohibita censetur, qua adulteri alterius uxorem appetit, sed etiam qua affectus aliquis alterius uxorem in matrimonium ducere concupiscit; eo enim tempore, cum repudii permittebatur libellus, illud facile evenire poterat, ut quæ ab una repudiata esset, eam alter uxorem aciperet.

Hæc lex cur lata sit.

XXIX. At hoc Dominus yetuit ne aut mariti ad uxores relinquendas sollicitarentur, aut uxores maritis difficiles se ac morosas ita præberent, ut eam ob causam quedam quasi necessitas viris imponeretur illas repudiandi.

Uxorem alterius concupiscere grave peccatum.

XXX. Nunc vero gravius est peccatum, cum mulierem, etiamsi a viro repudiata sit, alteri in matrimonium ducere non licet, nisi marito mortuo. Itaque qui alterius uxorem concupiscat, facile ex una in aliam incidet cupiditatem.

Nota. Aut enim illius virum mori, aut adulterium admittere cupiet.

Alleri sponsatam cupere nefas.

XXXI. Atque hoc idem de iis mulieribus dicitur, quæ alteri deponsatæ sunt; neque enim has item concupiscere licet, cum ii, qui hac pacta rescindere student, violent sanctissimum fidei fodus.

Item Deo consecratam.

XXXII. Et quemadmodum quæ alteri nupta est, eam concupiscere omnino nefas est; sic, quæ ad Dei cultum religionemque est consecrata, nullo pacto licet illam uxorem appetere.

Nota hunc casum. Si vero quis mulierem quæ nupta est, cum eam innuptam esse opinetur, uxorem sibi dari conceupiscit, neque si in matrimonium alii collocatam intelligeret, eam nuptam sibi dari euperet (id quod (a) Pharaoni et (b) Abimelech contingisse legimus, qui Sarai in matrimonio habere concupierunt, cum eam minime nuptam Abrahamque sororem, non uxorem arbitrantur, ille certe, qui eu animo est, ejusmodi precepti legem violare non videtur.

Remedia adversus noxias concupiscentias.

XXXIII. Sed ut parochus remedia patefaciat, quæ ad tollendum hoc cupiditatis vitium accommodata sunt, explicare alteram precepti rationem debet, quæ in eo consistit, ut, (c) si dvitiae affluant, cor non apponamus, easque pietatis et divinarum rerum studio objicere parati simus, et in sublevandas pauperum miseras libenter pecuniam erogemus; si desint facultates, egestatem æque et hilari animo feramus. Et quidem si rebus nostris dandis liberalitate utemur, rerum alienarum cupiditates restinguemus. De paupertatis autem laudibus, dvitiarumque despiciencia, in sacris Litteris et apud sanctos Patres (d) facile erit parocho multa colligere et fideli populo tradere.

(a) Gen. 12. — (b) Ibid. 20. — (c) Ps. 61, 11. — (d) Vide Hier. Epist. 1 ad Helioid. et 8 ad Demetriadem, et 150 ad Hebedianum, quest. 1 et 16 ad Pammach. Item Basil. in Regul. fusius disputatis, interrog. 9. Chrys. in Epist. ad Rom, ad haec verba: Salutate Priscam, Cassian. lib. de Institut. monach. c. 13 et 55, et Collat. 25, c. 26. Greg. hom. 18, in Ezech. Amb. in c. 6 Luc. Leo Mag. in serm. de omnib. Sanctis. August. lib. 17, de Civitate Dei, et Epist. 98 ad Hilar. et Epist. 109.

Altera pars præcipiens.

XXXIV. Hac item lege præcipitur, ut ardentis studio summaque cupiditate optemus id potissimum effici, non quod nos concupiscimus, sed quod Deus vult, quemadmodum Domini oratione exponitur.

Voluntas Dei erga nos quæ.

XXXV. Voluntas autem Dei in eo maxime est, ut nos singuli quodam modo sancti efficiamur, animunque nostrum sincerum atque ab omni labore purum integrumque conservemus et exercemus nos in iis mentis ac spiritus officiis, quæ corporis repugnant sensibus: horumque edomitatis appetitionibus, ratione ac spiritu due, rectum vite cursum teneamus: quive præterea sensus materiam cupiditatibus nostris, libidinique praebent, eorum vim maxime reprimamus.

Præve cupiditatis antidola.

XXXVI. Sed ad hunc cupiditatem ardorem restinguendum, plurimum etiam hoc potest: si quæ incommoda ex illis accidunt, ea nobis oculos proponamus.

Primum. — Primum vero illud incommodum est, quod quoniā ejusmodi cupiditatibus paremus, in anima nostra regnat summa peccati vis ac potestas; quamobrem monuit Apostolus: (a) Non regnet peccatum in vestro mortali corpore, ut obediatis concupiscentiis ejus. Nam quemadmodum, si cupiditatibus resistimus, peccati vires concident: ita, si isdem succumbimus, Dominum a regno suo expellimus, et in ejus locum peccatum introducimus.

Secundum. — Alterum præterea incommodum

(a) Rom. 6, 12.

est, quod ab hac concupiscendi vi, veluti fonte quodam, omnia peccata manant, ut divus (a) Iacobus docet. Divus item (b) Joannes: Omne, inquit, quod est in mundo, concupiscentia carnis est, et concupiscentia oculorum, et superbia vite.

Tertium. — Tertium incommodum in eo est, quoniam rectum animi judicium his cupiditatibus obscuratur: homines enim iis cupiditatum tenebris ocecauti, honesta et præclaræ putant omnia quæcumque ipsi concupiscunt.

Quartum. — Opprimitur præterea concupiscentiæ verbum Dei, quod in animis nostris a magno illo agricola Deo insitum est; sic etiam apud divum Mareum scriptum est: (c) Alii sunt, qui in spinis seminant, hi sunt, qui verbum audiunt; et arumma seculi, et deceptio dñvirarum, et circa reliqua concupiscentie introentes, suffocant verbum et sine fructu efficitur.

Cupiditatis vitio laborant.

XXXVII. Jam vero qui præ cæteris hoc cupiditatis vitio laborant, quosque præterea parochus ad colendum hoc præceptum diligenter cohortari debet.

Primo. — Illi sunt qui lusionibus non honestis delectantur, aut qui ludis immoderate abutuntur.

Secondo. — Mercatoresque item qui rerum penuriam annonæque caritatem expetunt, atque id ægre ferunt, ut alii præter ipsos sint qui vendant aut emant, quo carius vendere aut vilius emere ipsi possint.

Tertio. — Qua in re item peccant qui alios egere ciuiunt, ut aut vendendo aut emendo ipsi lucrentur.

(a) Jac. 5, 14.—(b) 1 Joan. 2, 16.—(c) Marc. 4, 18, 19.

Quarto. — Peccant etiam milites qui bellum expetunt, ut furari ipsis liceat.

Quinto. — Medici item qui morbos desiderant.
Sexto. — Jurisconsulti qui causarum litiumque

Sexto. — Jurisconsulti qui causarum litiumque vim copiamque concupiscunt.

Septimo. — Tum artifices qui, quæstus avidi omnium quæ ad victimum cultumque pertinent penuriam exoptant, ut inde plurimum lucri faciant.

Octavo. — In hoc præterea genere graviter impetrant qui aliena laudis gloriæ avidi atque appetentes sunt, non sine aliqua famæ alterius obrectatione: idque præsertim, si qui illam appetunt, ignavi, nulliusque pretii homines sunt, fama enim et gloria virtutis atque industrie, non ignavia, aut inertia, præmium est.

PARS QUARTA.

DE ORATIONE.

Parochorum onera hac in parte.

I. In officio et munere pastorali cum primis necessaria est ad salutem fidelis populi preceptio christiana precatio, cuius vim ac rationem multos necesse est ignorare, nisi pia et fideliter pastoris diligentia tradita sit. Quamobrem precipua parochi cura versari debet in eo, ut pii auditores intelligent quid a Deo et quomodo orandum sit.

Oratio dominica memoria tenenda est.

II. Omnes autem necessariae precatio[n]is numeros contine[n]t divina illa formula quam Christus Dominus Apostolis et per illos eorumque successores omnibus deinceps, qui christianam religione[m] suscep[er]ent, notam esse voluit: cujus verba atque sententias sic animo ac memoria comprehendere oportet, ut in promptu habeamus. Ut autem in hac orandi ratione suppediet parochis facultas instituendi fideles auditores, quae magis opportuna visa sunt, hic proponimus, sumpta ab his scriptoribus, quorum eo in genere, doctrina et copia maxime laudatur; nam reliqua si opus fuerit, pastores ex eisdem fontibus haurire poterunt. *De oratione scripserunt Tertullian. Cyprian. Aug. Epist. 111, ad Probam. Chrysostom. Hom. 15. Cassian. l. 9. Collat. Div. Thom. in opuscul et 2, quæst. 85, per 17. art.*

DE NECESSITATE ORATIONIS.

Oratio necessaria est.

I. Primum igitur docendum est quam sit oratio.